



Inatsisartuni ilaasortaq Steen Lynge, Demokraatit

Umiarsuarnut takornariartaatinut nunamiit kallerup inneranik pilersuviit pillugit § 37 naapertorlugu apeqquteqaammut 2018-218-imut akissut

12-09-2018
Suliaq nr.: 2018 - 17521
Id nr. 33152431

Asasara Steen Lynge

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1: Nunatsinni talittarfinni nunamiit kallerup inneranik umiarsuarnut takornariartaatsinut pilersuisinnaaneq pilersinneqarnikuua?

Akissut: Nunatsinni umiarsuarnut takornariartaatinut nunamiit kallerup inneranik pilersuivinnik pilersitsisoqarsimangilaq. Umiarsualiviit ilaanni umiarsuarnut minnerusunut nunamiit kallerup inneranik pilersuivinnik pilersitsisoqarsimavoq.

Apeqqut 2: Taamaassimappat sumi taakku pilersinneqarnikuuppat?

Akissut: Apeqqut 1 takuuk.

Apeqqut 3: Umiarsuit takornariartaatsit nunatsinni talittarfinnut talikkaangata peqquneqartarpat, nunamiit kallerup inneranik pilersorneqarnissamik?

Akissut: Naagga.

Apeqqut 4: Nunamiit kallerup inneranik pilersuutit talittarfinni pilersinneqarsimangippata, Naalakkersuisut pilersaaruteqarpat sanaartornissammik?

Akissut: Naagga. Nunamiit kallerup inneranik pilersuviit nukissiamik annertoorsuarmik aammalu attaveqaatinut aningaasaliinernik annertuunik pisariaqartitsiviupput. Tassunga assersuutitut oqaatigineqarsinnaavoq, umiarsuit takornariartaatit angisuut ornittagaat allat, soorlu København aamma Århus umiarsuarnut takornariartaatinut nunamiit kallerup inneranik pilersuivinnik peqanngimmata.

Apeqqut 5: Kallerup inneranik pilersuutit sanaartornissaannut pilersaaruteqartoqarpat, qaqugu sumilu taakku sanaartorneqassappat?

Akissut: Maannarpiaq umiarsuarnut takornartaatinut nunamiit kallerup inneranik pilersuivinnik pilersitsinissamut pilersaaruteqartoqanngilaq.

Inussiarnersumik inuulluaqqusillunga


Simon Simonsen